



沈忠敏公龜谿集卷第二

律詩

呈唐子明同年

饑來驅我出蓬蒿
鬢影鬚鬚舞二毛
黃甲浮名誇俗子
白丁結習數吾曹
老盆貯酒心猶健
懶架拋書趣亦高
萬事含糊自堪樂
不須持板念徒勞

小圃攝尉歸安呈江嘉

無地誅鋤一束茅
清吟端作反離騷
奔波且復同香尉
蕭散還須似馬曹
名下迹公初定價
暗中索我便

衿豪文章論世寧論晚肯慕群飛輒仰高

小雨

小雨簾纖未肯晴
勒回花信待清明
冷官何預芳菲事
空聽春禽作意鳴

清明日晚晴

正好園林藉落英
細風吹雨濕清明
牆陰旱渴休無賴
自有鳴鳩解喚晴

舟過荻塘

野航春入荻芽塘
遠意相傳接渺茫
落日一篙挑葉

浪薰風十里藕花香
河回遽失青山曲
菱老難容碧草芳
村北村南歌自答
懸知歲事到金穰

夏日書事

洗竹明新牖
疏泉理廢池
破礬炊玉粒
釣影鱸銀絲
假寐拋書帙
蠲煩泥酒卮
空餘八角扇
嬾惰不能持
秋日戲呈蔣達可檢討

西風撼撼舞庭檉
沈李浮瓜事益乖
不飲竟逃官長罵
長年唯厭太常齋
已看簾幕辭歸鷺
猶訝池塘沸亂蛙
坐想臞仙遙集處
應頽醉玉泥金釵

同官用僕秋日詩韻述懷因復和之

荷鍤相隨死便埋
達人於世豈長乖
囊錢擬定文章價
瓢飲聊甘祭祀齋
兒輩那知群野鶴
我曹寧復問官蛙
何如細瀹烹茶鼎
日向松陰爇亂釵

從劉殿院借書

骨寒宜伴列仙臞
欲喜依劉計未踈
自昔暗中人易記
到今名下士非虛
欲從給事論奇字
擬向中郎得異書
願借牙籤三萬軸
爲公一一辨蟬魚

過徐氏莊居

只着南冠不着纓
掉頭防我問功名
數椽茅屋有時漏
一壑野田無具耕
酒地定能容勝踐
墨畦終擬過平生
扣舷歸去蕪葭闊
後夜相思看月明

與道按田至湖山有詩凡九章次其韻

行盡郊原指掌平
亂峰爭聳髻鬟青
山家不識高軒過
驚走兒童戶半扃

右游天平山

瓦鼓喧喧帶土龍
紙錢零亂野祠中
誰能向此分餘瀝
潤澤焦枯不計功

右白雲泉

出郭有餘適到山無限清野泉依井落古剎金湖成
水鳥閑中趣風松意外聲問僧知此觀身世若爲輕
岫不如專以醉爲鄉

右題靈源寺

風埃滿眼作淒涼招隱空山此計長祇恐誤隨雲出
右雲隱軒
仙去遺蹤亦謾留羽旗那復肯來遊欲知洞府煙霞
邃漠漠蒼崖面橘洲

右題林屋洞口

聞道藤蘿一一攀要窮佳處識湖山青琳宮闕當西
崦應費巾車數往還

右題靈祐觀

山脊層壇古松根曲徑微衣冠久已化殿閣自相輝
喬木交加合閑雲自在飛無端雪髯老猶效鶴重歸

山有一老人
俗號毛公

右毛公壇觀

我欲款玄關誰能供逋客相將持綵囊珠露滿蒼柏

右題上真宮

湖光奕奕洗浮埃古寺重門相對開
獻供祇憑山鬼去問禪時有野僧來
老農借釜爭炊荇瘦鶴翻皆自啄
苔令尹定能占歲事爲捐逋賦小徘徊

右題華山寺

過徐氏郊居

林梢眇眇墮斜暉剝啄還來扣隱扉
門巷劣容居士屨塵埃不到野人衣
恰當夜甑黃梁熟盛供春山紫蕨肥
侍坐無人只山月兩翁相對自忘機

到吳

三載故鄉別歸帆恰到吳食寒新火換天闊斷雲孤
酒市仍依岸漁村遠帶湖碧山千萬疊翻憶夢崎嶇
感事

鬢毛端欲改歲月竟相侵薄宦顏難彊窮塗感易深
舊交多得路古道罕知音吾事政如此飄零違寸心
旦日趨府

紫簫吹夢斷起視斗闌干瘦馬踏殘月單衣中薄寒
錦囊那復佩革帶頓成寬浪逐官曹底更題敢自安

次韻秀守苗郎中喜雨

旂旆傳呼起伏龍
雨翻枯澤已全通
招呼急吹添秋思
祛逐驕陽助歲功
錄子有知先避境
鄰境多旱蝗
葑根無着盡浮空
老農自笑豚蹄祝
惠政流行盍婁豐

次韻盧憲小雨

狂風初作惡
小雨似知時
破睡心長折
呼愁眼易饑
勃姑穿渡急
鴉舅出林遲
土人以勃姑候雨鴉舅候晴
春事今如此
幽尋有底期

雨不止

已看城郭半浮樁
水岸聯翩接渚涯
天意若知民意切
停鞭且知阿香車

新春書事

早歲驚逢上苑春
塞驢朝踏落花塵
只今懶問芳菲事
柳眼相看也笑人

次韻盧憲春意

少陵花惱便顛狂
天與多情付此郎
宿露園林鶯舌亂
暖風庭院蜜脾香
閑愁幾欲縈春事
幽怨還能入醉鄉
應斷玉樓雙望眼
便須催促理歸樯

清明

杏火燒空潑眼明游人蕩槳淥蕪城山歌慣習吳歛
調水戲終含楚些聲草蒲池塘春漲淺鷺歸簾幕午
風輕踏青舊約誰能問已喜年來粥有飴

報中有盛年休官者感而賦詩

中都如海士如鱗乘鴈雙鳧亦見馴林下已無長往
客江頭誰伴獨醒人因循儻使能成事彊健何須便
乞身但喜高風激頽俗要令鍾漏一番新

有懷山中

可奈風埃老客游故山歸思日悠悠軒裳結裹非吾
事野性從來在一丘

冠卷塵埃亦謾彈勒移終復愧家山它年猿鶴應相
笑勸羽甲飛久未還

次韻宏父喜雨

黃壟初看卷麥禾老農還復厭晴多四郊岸尾開新
瀆一雨苗根長舊科已發政聲歸召杜更驚詩律鬪
陰何王孫欲識田家樂水亂溝塍涉可過

行簡以曾守韻見貽復和一篇

續經無復補嘉禾老去忘懷及見多摘尾簿書寧問
署點頭章句僅成科求田下澤吾行且招隱空山子
謂何行簡有早晚故千萬買鄰真左計一丘端約老
相過山歸種秫之句

申應時以圖尋山圖所載湖之西溪也爲作二

絕句

王維買宅先成畫申子尋山亦載圖它日真能營小
築此山佳處着儂無

故國山川真可老十年塵土負歸期而今更笑申夫
子似我平生費夢思

客至具餉庖中止有豚肝客不食

三九家風故自寒朝來饌客到豚肝不須準擬供塗
竈口腹那能累長官

次律兄持節燕山且調兩河兵賦喜而作詩

伯也吾宗秀心期萬里侯燕民方築郡漢使果鳴騶
更借牙籌計聊寬玉座憂平生揮翰手此意莫淹留
中年情緒惡遠別信音疎聞道陰山路貪迎使者車
騎羊厭鳴鏑佩犢欲扶鋤願上需頭奏煩苛一切除

喜次律兄見過

大編軻輅許暫留一樽相屬話牢愁封胡羯末名終
在許史金張迹浪投遵陸漸看鴻鴈集在原當記鶴
鴒求它年會有相從樂泛宅浮家萬事休

倦夜

獨坐苦無賴開軒懷抱空徘徊簾上月浙瀝竹間風
清影迷篝火哀音咽砌蟲怪來寒次骨霜氣已冥濛
單顏徒以盜失邑被譴赦令復官喜而有詩

次其韻

千里風雷起放臣反騷端欲陋靈均宦情遽逐鵬程

遠喜氣猶驚鵲語新它日鍾魚應落夢

顏徒寓僧舍

半生

塵土未酬身會須更整青雲步往事當令問水濱

土人腊蛙見餉爲作此詩

此族知何族生涯一廢池似能矜喜怒那復辨官私
暑雨浮萍鬧秋風牡菊遲肯嫌同腊鼠小嚼爲紛披

送別

老覺交情重貧知世路高相看心已折此別夢應勞
未用脂長轂須聽詠大刀平生故人意能費幾緋袍

莊子經解官作二詩道別有江湖蓑笠之句次
其韻兼叙離索

雨餘千里見秋毫綠漲西陂湧浪濤桂楫蘭舟驚送
別篔簹象齒記分曹官游莫謾嗟流落人事方將困
驛騷亦欲江湖理煙艇不知何處可容篙
自許論交絕比周向來傾蓋喜同流俗間久矣無青
白客裏終然有去留能事要須槃礴羸瘠詞何必畔
牢愁看君躍馬章臺道肯爲滄波夢棹謳

秉元以按田至村落有詩次其韻

竹戶連村閉官何此榜舟蒿萊半殘壟風露溢清愁
試爲歌田畷那知餞蓐收老盆如見領應作小遲留
巖桂

小軒巖桂露香乾秋藥扶踈碧玉寒章句那能知許
樣夜深渾作月中看

次韻行簡北城登眺述懷

東觀無人數伏虔一臞塵土獨凄然高情自欲侵天
半清夢何由到日邊顧我書空嗟咄咄知君捫腹笑
便便登高懷遠無窮意故合春容賦大篇

行簡釋奠學官登北城眺覽有詩嘗次其韻再

和二章

奠敝儒宮已告虔城樓遠想獨悠然陰陰古木回潭
外渺渺平蕪落照邊野色向人聊嫵媚筇杖入手自
輕便興來不暇尋思嬾酒後狂歌定幾篇

當年蠟鳳識僧虔晚歲相從意惘然更笑堅儒多敗
事稍聞上郡已開邊酒醪窮巷誰能載簡牘平生自
不便風月兩溪真可老待收功業付詩篇

曾守置酒月波樓以張侔至有詩命坐客同賦

詞語平生故自蕪登高重愧賦成初諸君此處識老
子右衛向來煩長輿波上旌旗飛退鷁樓前歌舞出
金魚回欄後夜同延月直下方池可更疏

金魚池沮
洳久矣

夜坐

娟娟微月小牕東竹裏寒聲嘯夕風孤客坐來驚歲
晚推愁不去酒杯空

虛堂夜寂自神清更僕無端倦觸屏多謝短檠隨我
老更溫檀火校黃庭

曾守疾目以治法與之有詩見貽次其韻

聞道牙籤檢校頻昏花錯莫亂驚塵未須止酒妨投
轄便可捐書當徒薪肘後有方餘幾所眼中無障更
何人須公舊觀神明復準擬花前一笑春

次韻曾守立春席上七絕句

澤國春歸早連門競築臺夜來風力峭踈片半飄梅
曉凍穿流急晨光照火新四郊和氣合歌吹待班春
花光浮剪勝酒色動彫觴欲識邦侯喜眉閒照席黃
跨臘纔更歲經宵併是春黃堂清訟珤欲助發生仁
日應東風轉春隨北斗回不須鄒子律餘暖到寒荄
曉卜農祥正遙知歲事豐小桃如有意欲吐故時紅
曲席紛羅綺中腔度管絲歡聲連萬井一一擁春祺
月波樓

突兀晴樓壓郡城樓前波面縠紋生何人合作佳從
事來伴胡牀看月明

會景亭

柳株高下隔桃蹊萬頃烟波似漾陂畫手無人貌平
遠小亭風冷立移時

次韻楊縣丞見寄

雙瞳炯炯四筵傾少日才堪賦兩京花縣署曹聊試
可鱸堂傳德尚流清橫琴勿寫峩峩志引水當令漉
漉鳴後夜扁舟同泛月野田端見綠蕪平

楊問
余歸

次會宏父韻

小雨經旬戶不開隔牆青子滿江梅幽禽葉底如相
識睥睨空庭欲下來

三楚浮鳧不可招夢遊赤壁夜停橈朝來快讀黃州
賦猶喜周郎得小喬

微官似有不如無老去因循負壯圖但得誅茅三畝
宅世緣端欲付軒渠

未用欣然念可人世間那有白頭新出門更復推葱
麥笑殺扶風井大春

曾宏父作詩別行簡索僕同賦

俗問忘勝踐客裏度春秋拄頰真狂計焦頭乏遠謀
剛踈徒自許德怨浪相求奏乏三千牘詩慙一百籌
豈能資宦達端合辨歸休遣興鵝兒酒銷魂燕子樓
枯筇青草渡老屋白蘋洲此意無窮樂今懷未滿憂
轉喉寧問諱繞指叵思柔二妙看騰踏頻年歎滯留

花時閉深院

行簡移
病經旬

雲際渺輕舟

宏父將以
使事至湖

應念騎

曹掾平生信謬悠

曾宏父將往雪川見內相葉公以詩爲別次其

韻以自見

客裏思家且罷休無聊懷抱不禁愁時魚苦筍過百
六又到一年春盡頭

腸斷故園春到時澆花日日遶芳蹊而今夢逐東風
去小榼深杯手自攜

兩溪以南無數山興來徑造無時闌空餘日蠟幾兩
屐日暮雲深天小寒

隔溪花柳自無賴煙淡風微惱殺人走向西家覓酒
伴芒鞋竹杖去尋春

牆根啁啾百鳥鬧最愛乳鳩來喚晴日永春閑深院
落渠能便當管絃聲

揚舲送子下苕霅繫纜沙頭多柳株十載風埃老行
客不知鷗鳥記人無

前溪溪頭玉色魚羊酪豈可比鮮腴江黃會中有勝
處健步走置煩長鬚

野店山茶亦可口試歆松火煮石泉相逢故人如問
訊但道老去多煩煎

翰林曾中浩千古筆頭戲作江海潮子行造膝可問
法門前煙浪拍溪橋

邦侯言語妙天下學海故自吞百川傳杯擊鉢盡具
眼醉中莫謾思逃禪

舟行卽事

逗帆風借力入坐水浮光村落知多少郵亭自短長
跳魚吹暗浪浴鷺耿殘陽又是吾廬遠相看思渺茫

舟過北塘

嫋嫋輕颺動娟娟佳月升岸回雙樹暗村遠一燈明
過鴈參差影跳魚撥刺聲停橈且勿去吾意不勝清

羞墓

朱買臣妻墓
在嘉禾北塘

富貴因人德未酬繡衣歸去竟何求荒墳三尺斜陽
裏千古徒增女子羞

舟次吳松江

棹發鱸鄉晚頻經桂子秋嬾投青玉案政弊黑貂裘
水落喧漁市雲微辨橘洲五湖煙浪靜誰復泛扁舟

吳江阻雨過豁然閣次周廉彥韻

花鴨呼群自拍浮何人簑笠在孤舟半生已負江湖約不爲經行肯暫留

濛濛小雨麥秋天江上人家欲暮煙行客未能忘勝處繫舡來伴白鷗眠

我本三生一散人翩然小棹五湖春何從便結滄浪伴纓上而今有宿塵

燈上人願齋

道人小室要觀身兀坐蒲團莫欠伸縱有諸天來應

供靈龜納息自爲真

次韻江元壽題寧境寺湖光亭

客行終日厭區區暫借晴光照坐隅水漾龍鱗浮翠堵葦開雉尾供伊蒲欲隨漁子飛雙槩似與仙翁在一壺目亂風埃知有幾肯來幽處濯纓無

舟中聞元用途魁天下士論歸之輒成五十六字呈宏父車馬至中都當舉似也

翰林發策冠諸儒

先內相考中廷試第一人
以嘗受任子恩降爲第二

再世重

歸汗血駒醉後揮毫凌月窟夢中插翼上天衢

元用嘗夢

翹生兩腋一飛冲天半生懷抱吞餘子一日聲名振八區歸去

玉堂清夜直也應憐我老江湖

吳門別曾宏父

招手湖山初識君昨歲西湖始得相從眼中已復見輪囷清言

自是一時傑豪氣欲無千載人客路臨分隨夢遠老

懷論舊覺情親心期不免功名逼儻記江南草樹春

還憇湖光亭復次江元壽韻

羊酪尊羨本異區江湖隨俗語媿隅紫鱗撥刺衝文

荇翠羽翩翩過綠蒲舴艋興饒青絡馬笭簞自當紫

微壺叢書校罷頻搔首天末孤帆去欲無

次韻錢德初九日旅懷三絕

西風江面荻花秋鱸玉頻年念昔游客帽只今無地

落黃花滿眼謾供愁

登高虛欲夸能賦樂事何曾副賞心斜日孤雲兩愁

絕一觴聊為盍朋簪

濁醪自稱和山藥張籍詩作酒和山藥小令新能坼水花况有

阿戎供細雨豈知秋思滿天涯

過嘉禾野塘

木末孤煙起夕炊茅簷直下釣漁磯蒼茫遠水連天
碧一葉短篷何處歸

僕夫自燕山來云有次律兄書被盜失去

投曉平安使倉皇扣倚廬修塗幸及此細語問何如

云自三關道曾持一紙書崎嶇經寇難隻影到鄉間

杜季習遊恒山謁府帥劉公輒次劉彥常韻作

二詩送之

勇往都忘去路難曾吞螭虎氣桓桓吳頭楚尾三年

夢塞北江南五月寒瘦馬繫門留我別明珠攜袖許

誰看書生自有西江量何止能濡舌本乾

上相平胡不作難已開亭障徹烏桓公朝問罪知誰

敵窮虜要盟故自寒烽燧報安千徼肅羽書飛捷萬

人看書生夢想從軍樂雋語銘功墨未乾

季習欲以
銘投府帥

董采大有詩紀吳江豁然閣舊遊索僕繼和

湖陰舊雨記重來小閣深明傍水開鯢鱗橫空橋倒

影琉璃拍岸浪成堆勝遊君復羹魚婢幽屏予方飯

芋魁遙想經行斷堤曲野花漂盡雪玫瑰

雲興次韻河陽張先父秀才

雲踈日薄九秋深故國懸知詠稟砧試拂青萍憐氣
在更攜綠綺覺塵侵浮家泛宅三年夢臨水登山萬
里心小騎羨君盤谷去肯如思越費清吟

託長興吳宰僦居

一區無地可經營官牒東西寄此行問舍它時聊爾
耳浮家今日太勞生肯將口腹累安邑正欲絃歌聞
武城爲我三間卜茅屋夜深來聽讀書聲

寄次律兄學士柯田山新居

柯田一曲抱清灣雨角孤雲擁鬢鬟猿鶴驚心招舊
隱桑麻掠眼接通闌似聞小築終年就應是幽扉盡
日關爲報添丁譏鷓鴣背夜寒歸夢遶家山

沈景修宗傅示試院書事二章次其韻

巖谷何人歎久幽紛袍一一赴兼收噉枚盡欲成豎
敵懷壁渾疑忌暗投獨訝終篇惜鷄肋更須添燭校
蠅頭文章到此無殊律共賦菁莪汎汎舟

深簾山鳥一聲幽斗覺晴光爛不收好夢已尋江上
去清篇更許坐中投欣逢阮籍開青眼肯學虞卿賦
白頭聞道月波春色滿好攜行客住行舟

景修秀倅
月波等其

樓郡

次韻院中四絕句

行盡江山不記村，卻隨花信到重門。也知春色嬌無賴，取次先來綠草根。

一尊相屬語黃昏，密雪飄零正滿門。記得江橋回馬處，冷香應斷玉梅魂。

要知春色到池塘，深院無人午夢長。已覺此身便靜樂，自溫檀火炷爐香。

豈蕊梢頭春意濃，輕狂無奈賺花風。今年拚卻尋芳晚，準擬殘枝占晚紅。

石壁寺山房卽事

雲根斲翠接山椒，小築初營一束茅。未放野泉縈曲澗，旋移寒綠引春梢。

望斷南崗遠水通，客檣來往酒旗風。畫橋依約垂楊外，映帶殘霞一抹紅。

石壁寺

山縈細路走修蛇，峭壁連雲只蘚花。木末忽看幡影亂，馬頭初見殿陰斜。迴廊迤迤穿危嶠，側澗娟娟露

淺沙秀色可餐吾事辦粥魚茶板莫相夸

無言須政以詩寄行簡輒次韻

鐫磨文律似攻駒十載相從亦數予卷白欲傾東海
酒閉門貪鈔北堂書風煙入眼山圍座鷗鷺驚心水

蒲渠

公頗樂新居得谿山之勝

此樂定非公所有為聞鼇禁席頻

虛

右謂無言

平生狗曲視驪駒妙語琅琅獨起予酒面那能伴從

事

行簡為酒官為五斗屈也

筆頭翻欲戲中書官曹似是驚蓮幕

問訊何如念石渠只恐浮名不論數要須人識士非

虛

右謂行簡

行簡用前韻見貽復和酬之

歲月如馳鬪隙駒星星著鬢故欺予身宜丘壑長經
夢語到軒裳輒廢書局步共嗟妨遠趾清溝自覺映
汗渠黃麻白簡公心事此去聲名定不虛

過卞山次韻朱仰止澗亭絕句

曲澗潺潺隱石堤玉蚪雙引戲晴漪相思後夜添清
絕木落山空月半規

環珮琮瑋落斷崖水清石瘦沒平沙幽人散策經過

地草閣柴扉趣水斜

昔年

昔年尋賀老同泛越溪航
雨發千巖秀風供五月涼
目因秦望斷心爲禹祠傷
聞道東湖地新來足稻梁

秋懷二首

庭柯脫翳葉歸翼斷經過
水檻清漁罟風櫺響藥羅
傲霜荷柄少團露橘叢多
秋色遂如此愁城今幾何
林梢吐寒月清絕不勝任
蠻榼憑誰共胡笳祗自吟
探簾風似翦切戶斗如斟
何處行舟動澄波自委金

卽事

卯酒賸澆胃礪魄晨梳聊理髮
鬢鬢方床自岸烏巾
坐欲校黃庭嬾未能

秋日閑居

茅屋秋風斗破除蕭騷渾似浣溪居
青山侍坐從吾好黃帽籠頭與俗踈
賴有園官能送菜可無溪友解留魚
從今輒莫慚枵腹一飽須煩插架書

送盧左司赴闕舟中口占

胷中渺渺九夢澤筆底滔滔三峽流
自合勲盟真易

與謾回詩律付冥搜平生所慕李君御今日聊登郭
泰舟去矣相望重搔首百年心事小遲留

野外罕人事

野外罕人事雖貧心自寬霜蔬供綠節社酒泛黃團
日落歸牛近風微宿鳥安展書遮老眼燈火砌儒酸
過竹西
百折清灣抱野田竹西風物故依然歸牛更背斜陽
去牧笛一聲吹暮天

贈老禪

霜根刺刺蝟圓顱猶倚禪床聽木魚底事世緣能老
我到頭塵事不關渠磨軌幾日能成鑒閉戶何人欲
造車若有小叅重問訊試尋消息向真如

成士穀校登真訣垂就爲作此詩問訊

成欲卜居三茅

硬黃親校大還書巖石相看已甚臞會遣五丁供給
使聊煩六甲奉庖厨仙風自昔人何有靈氣於今子
豈無知得茅卿近消息應驂白鶴到清都

謝葛魯卿雪中遣介送酒

雪舞白衣朝扣門一車送酒借春溫寒威任減東陽

帶和氣全歸北海尊應爲半生憐翅葉更留它日燕
鷄豚是中可飲公須記報字如鴉醉眼昏

沈忠敏公龜谿集卷第三

律詩

長短句附

正月十四夜觀燈南寺子虛有詩次其韻兼呈

駿發次顏

娟娟佳月掛南樓蕭寺真成秉燭遊火樹忽驚新節
物春衫不趁舊風流公方高臥追三已我亦狂歌發
四愁爲報襟期得名勝何妨着處一開眸

初約子虛
不出以次

顏見招
而往

再用子虛韻和呈駿發次顏

燈市燒春接郡樓歲豐人樂事遨遊繁絃急管方連
夕痛飲高談自一流短帽縱堪陪勝賞長檠那解照
牢愁歸來臥對西牕月獨想清光燭電眸
十里笙簫沸市樓已占風物兩優游人從月窟開青
嶂燈挾星河映碧流曲席深杯成徑醉長廊古寺溢
清愁暗中我亦知公在彊對蘭膏爲舉眸

子虛復有詩再次其韻

誰能延月倚危樓細履相將偶當游倦聽山歌懷舊

俗閑看水戲濺寒流

土人以水戲然燈

燈光競作千門曉酒

力微寬一掬愁明日八分疲阿買詩饒元只在清眸

次夕雨作用子虛韻奉懷次顏知魚軒小集

夾道繒山聳層樓小軒終憶數條游月將人意十分
浦雨入溪光一派流靜聽屐聲喧夜市旋挑燈地醞
春愁閉關不問陰晴事時怪玄花掠病眸

別群從

十年勞遠夢今日又征鞍雨入花梢困風生麥浪寒
飄零逢酒怯老大別家難去矣功名事終須把鏡看

瓜步

呼去聲漸逐潮頭遠帆影低隨日脚斜已喜扁舟近
瓜步江鷗無數立寒沙

將達行在所

潮落江城暮帆開一葦輕雲屯六龍駐天近五星明
率土朝方岳何年洗甲兵 君王似光武折筮看昇
平

陳子尚博士休官還京口作此詩餞之

勇退曾無屋數椽掛冠神武便飄然陶潛去家一百
里張翰收名四十年平世深知還有幾少時健決已

無前

子尚昨王臨淄簿與部使者論不合徑去官

侏儒飽食堪羞死莫浪

狂言爲着鞭

西風江上荻花秋鱸玉頻年念昔遊世事真成一可
慟身名那問二宜休公卿禮餞何爲者僮僕歡迎有
此不鬢影毵毵紛翠葆曉來鍾漏亦懷羞

得家書

國步猶艱棘不堪頻問家霜毛失翠葆蒿目亂玄花
孤客知時節殊方度歲華干戈就休息歸理邵平瓜

觀瓊花

千里隨河走濁流，檣烏東下指迷樓。
春風簾幕今何在，只有瓊花伴客愁。
卽事和卓彥翼
瞳矓曉日上簾旌，簾外幽禽作意鳴。
呼斷故鄉千里夢，起來搔首問歸程。

卽事

造物勞人亦惜哉，又驅疲馬上崔嵬。
經從野店初嘗筍，行盡江村始見梅。
千里短書先夢寐，半生多難足風埃。
桔槔俯仰成何事，已念漁蓑歸去來。

六桐廬

泱泱溪流不滿灘，獨憐舟子上風灣。
日斜指點西村渡，竹戶茅牆趁碧山。

吏鞅縈人未許閑，當游聊復到春山。
倡條冶葉無風味，賴有寒梅醒病顏。

於潛道中

首路潛溪驛，鷄聲欲曙天。
藍輿衝宿霧，棧閣寄層巔。
高下林端屋，橫斜石罅田。
野泉隨處有，草木盡蒼然。
新城道中

馬蹄隨意到回首隔南岡日落鳥猶語春歸花自香
長紅媚幽谷新綠漲回塘假榻知何地昏鍾出上方

宿葉璋橋庵舍

渡澗穿林夕未休野人篝火引前驅驚從略約灘聲
急喜見屠麻草蓋修雲臥自驚魂夢冷星馳先惱肺
肝愁乞身老我雙溪上記取端能賦遠遊

水閣小憩

雲氣昏昏雨脚垂客行終日勑犇馳竹間小閣臨清
瀨俯檻觀魚立許時

祈門道中遇雨

了事癡人有底忙復輿勃窣到南岡樵風槭槭群狙
喜山雨蕭蕭萬木僵谷底暗分冰澗落舍旁時度野
梅香殊方歲晚多悲感歸老丘園此計長

東西二林寺

湓浦維舟訪梵宮香爐峰下暫從容重來不爲二林
景永遠禪師有舊蹤

在昔得名齊連牆亦共蹊修篁同碧嶂寒溜合清溪
閣影高低並鐘聲左右迷遊人俄省悟東卽是林西

遊人多入東林寺將謂西林景不如我策短筇行半
日水聲松韻更清虛

千秋嶺

錢氏嘗築四壘以限江南比
者盜發旁近復於此守禦

山河四塞限中原籬落而今不復存豺虎晝行何日
息但餘征戍滿荒村

吳越江南絕壁間可憐爭國似蝸蠻百年父老陶王
化尚記流傳一醉顏

次韻鄭維心臘月十六日有作

國難更頻歲胡塵動四溟豺狼飽吞噬溪壑變羶腥

黃屋無安所清笳不忍聽使臣歸路阻慟絕鬢星星
朝廷歸叛將關塞失簽軍銅馬猶連命沙蟲亦占群
上心存廟略兵氣亂天文誰挽斜河水通宵洗赤氛
血戰遮東道今誰廟食雙無人扞彊虜縱馬飲長江
寇掠元干紀兵臨反誘降將軍自不武慚色上旌旌
次韻避寇二首

窮途厭遷次歲晚惜分攜茅舍荒村北柴門曲港西
鷄豚鬻同社桃李舊成蹊那得干戈定浮家著兩溪
宦游成屢卻戎壘悵頻遭聞詔趨吳會經途事董逃

心期紆國難，力欲挽人豪。漂泊多危涕，真成失木猱。
游城山夜歸泛舟南溪

杖藜尋勝款禪扃，歸去扁舟伴月明。臥樹低摧山脚
轉，跳魚撥刺鱗牙驚。煙埋橋影雙霓斷，風熨溪光一
鏡平。聚落半空無市井，在亡燈火短長更。

次韻李通直題慈相寺雪月亭

曲檻飛甍介碧空，盡供勝覽屬禪翁。蒼藤翠木四圍
外，遠水平蕪一望中。幽鳥林梢鳴不斷，亂雲天末去
無窮。素娥青女今何在，淮南子青女主霜雪歸步聊乘兩腋風。

扈 御舟泊錢清江口值雨

打窻悉窣連江雨，吹柁嘔啞拍岸風。蓬底醉眠那得
穩，時聞鷄唱夢魂中。

法駕親巡海上還，鈞陳萬騎列江干。潮生風熟樓舡
過，雨助洪濤失故灘。

過平望

未辨扁舟掛綠蓑，人間何處不風波。終須徑爲鱸魚
去，笠釣歸尋張志和。
平望乃張志和得道之地

次吳江

水闊風豪浪拍天魚龍戲舞墮饒涎尋常行處多翻
覆看我孤舟得穩眠

小邑蕭條兵火餘狐狸入市自相呼茅牆竹戶斜陽
裏十室生涯久已無

冬至遇雪題明因寺僧房

宦學差池已倦游一犁真欲老西疇天公爲作豐年

信更喜將軍入蔡州

是日聞王師入杭

遙想燕山落大花更堪直北渡龍沙六師挾纊懷輕
煖取日誰能反翠華

方允迪隱鷓鴣谷江子我子之劉希顏行簡皆

往依馬爲此詩寄贈

脫葉驚飛海角秋君王虛佇急良籌列仙山澤底無
用孺子滄浪渠不憂自鷲可能如一鶚二江知復帶
雙流渺然相望暮雲碧兀坐蒲團搔白頭

八月十七日扁舟渡錢塘江

一言初欲寤明君去矣終緣丞相嗔鳧雁江湖真
我輩龍蛇山澤定何人市中未識馮延壽門外已呼
祁孔賓尚有憂時心未歇西風吹淚濕綸巾

沙嘴波生柁脚開扁舟老去許歸來風帆一點日邊
下雪浪千堆天際迴城郭荒蕪迷舊隱江山寂寞寫
餘哀此心元自無機事寄語輕鷗莫見猜

允迪招行簡卜居鷺鷥谷僕意羨之作詩送行
兼以自見

嚴陵灘下鷺鷥谷聞道元英舊隱廬鼻祖名高詩格
在耳孫才傑宦情踈漫山松桂鴈行立入鵝茅茨星
散居知爲劉郎賦招隱莫教花落到通渠

少日長懷社稷憂怪來饒舌謾多仇風塵冉冉百年
老霜雪蕭蕭兩鬢秋不辦癡床供一笑方營隱谷賦
三休添丁護得金鴉嘴佳處端能着我不

維心過邵子非溪亭夜話有傷時感舊之作索

余次韻

官儀全復漢盟會競尊周郊野多戎壘衣冠半客游
地偏朋舊鮮人老歲時適莫厭經過數相看又麥秋
朝廷策數馬寇盜谷量牛世亂思奇畫身閑喜勝流
鷓鴣霄漢侶鳧雁稻梁謀得趣皆爲達那能陸盪舟
聞道津亭集青燈夜色浮鶴鳴驚獨鶴魚伏避群鷺

月澹帆歸浦風腥網挂洲語深投匕立此意得無憂
虜悵師頻勗民窮粟屢搜會須夷喪亂寧敢厭征求
黃屋中天立彤弓幾日酬寸心終耿耿不獨爲春愁
心事空牢落身名盍罷休得閑羞彊聒避謗巧淹留
老矣嗟如此誰欺問以不儻容親杖履不擬向丹丘
余得守丹丘方
欲上投閑之請

劉希顏持節按縣招維心舟中小酌次維心韻
大編浮溪曲華旌映道周勞農纔徹警問俗偶成游
王事今云棘官稱古號適正須哀疾苦輒莫詫防秋

希顏按
防托事

隨處喧銅馬何人炫木牛輕捐小山句急捍大江流
行邁心疑醉周爰事喜謀招呼隱君子高浪兀虛舟
故國真如寄餘生宛若浮巢鳩不護鵲池鳳肯容鷺
老木低春水孤花帶晚洲杯行應酌我知復念幽憂
山林懷獨往圖史縱旁搜此士俗間忌吾儕句裏求
大篇終寡和小酌漫相酬脚踏溪流亂端能醒客愁
大邦通間道小縣得中休交分傷離合王程惜去留
索居垂老矣劇飲尚能不倦夜評今古誰憐貉一丘

子虛航重湖之險遠過山中輒次維心韻以謝

客裏傷爲別相望歲一周冕旒存異顧

去歲子虛蒙賜對天語稱

獎丘壑老英游憂國心長折驚人語太邁年來有公事合眼注春秋

小牕眠歛虎敗壁上蝸牛老樹陰垂合前山翠欲流
狂言違世用彊飯了身謀不謂輕千里能迂訪戴舟
此客今那有迎門喜氣浮心閑清似鵠眼淨凜如鷲
塵榻開蓬室風帆卷橘洲襟期適相契一笑發群憂
寶曆方重啓英才必盡搜題輿偶淹泊勝道會營求

浪漫貧逾適經綸老未酬雲林得攜手切勿志窮愁
暮雲凝遠碧覓句擬湯休不分千山隔才爲十日留
高風誰繼者清夢自驚不聞說星躔動何人識太丘
次韻學士兄見一亭

自稱居士擬香山隻影江湖得暫閑大隱可能追禩
穢小亭聊欲對孱顏持盃有月同歌舞策杖無人共
往還聞道修篁解新籜密遮門逕不須刪

塵土敗名如敗敵雲山招隱似招降謾傾魯酒醒猶
獨聊發吳謳調本雙誰念佳人在空谷自同漁父老

清江宅年對榻分餘地風雨蕭蕭夜打窗

次韻學士兄述懷

故園風煙素已諳結茅端欲占重嵐聚蚊那肯追金
谷號虎真成賦石龕阨運經過度陽九幻生顛倒識
朝三宅年自有鷄豚約小阮新居卜道南

葱麥推還井大春拂衣歸伴臥雲人胃中歷歷蟠三
略肘後時時校六淳已作移文排俗士更將要術混
齊民知閑聊復求閑地歲晚功名恐逼身

風實雲子六淳之葉

仙藥也見漢武內傳

次韻黃子虛所居隨緣堂

應羨扁舟泛五湖隨緣卜築伴樵蘇青山衮衮成嘉
遯華髮蕭蕭負壯圖松檜蹇騰元自植魚龍吟嘯巧
相娛清宵背立巖前月大叫三高更疾呼

次律兄餉魚魚不至而詩至頗類南海使君送
酒輒成一絕一笑而已賜茗少分以報厚意

憑虛公子騎鯨後烏有先生控鯉初可是凡魚亦仙
去空餘一紙腹中書

先生遠餉錦鱗鮮剝啄扣門驚阿連只有珠璣落牕

几空教口角墮饒涎
尚方小鳳賜精芽戲比瓊瑤報木爪夢境紛紛非實
相往煩鈎起睡中蛇

曉過鄰村

推枕夢初斷籃輿踏露行歲登人意樂風急鴈行驚
曲澗哀湍瀉危橋獨木橫清霜莫欺客雲日自晶明

卽事

鵲噪空庭曉霜明百尺樓連柳響晴日遺穗落平疇
黃菊踈籬晚丹楓別岸秋怡情有底計開甕玉蛆浮
竹樹參差合溪流半隱扉雨昏鳩婦鬧風急鴈奴歸
策杖循沙步寒裳到石磯游魚吾共樂身世自依違

過梅知宮東軒

舍南舍北花無數眼看游蜂上下狂風信晚來簾額
動黃庭相對一爐香

允迪遺書問訊并寄示與子我唱酬佳句猥及
微蹤輒用廬字韻爲二詩以報嘉惠

泛愛何人在素書銀鈎奕奕到田廬朋游久許貧方
耐宦學空憐老更踈回鴈峰前應夢到放龜池上也

齋居

允迪得郡衡陽僕丹丘皆待遠次僕居龜溪方事投閑之請會允迪書到亦云

相期保

社同香火口禱功名乞與渠

不從吏議汗丹書恩許懷章返故廬投老有緣知分

溢排姦無術愧才踈勝流踴躍聞歸權妙語吹噓慰

索居懷望北轅心已折忍將時事付軒渠

書懷二首

應俗由來嬾謀身尚敢先栖栖從見嫉僕僕豈能賢

駿馬常追日方舟可濟川人生各有趣心目

御名相恰

暗中人易記名下士非虛此道憑誰辨它時或自如

真能食萬戶定復愧三閭富貴雖吾有當令功可書

事業貴不苟聲名難預期功非宜食肉道豈忘羹藜

政恐儀無舌那論緯有髭漢庭今用少覽鏡獨何為

山北劉希顏提舉見過出示下山居二詩次其韻

偈仄風塵際分攜歲月賒向來聞避地勝處偶為家

對客談鋒銳憂時酒量加中觴莫辭醉回首又天涯

小別千山隔相看一笑溫丹心獵風旆華髮粲霜根

鴨鴨爭呼伴鷓鷃自識村更須判劇飲落月倒窪尊

張仲宗有詩懷歸因次其韻勉之

相逢無日不懷歸又是春山聽子規
休歎豺狼迷道路似聞貔虎什旂旗
那從薄俗求青眼還向高堂念白眉
南望孤雲應目斷殊方歲月易推移

南北山探梅俱未花維心從家圃折數枝以餉

坐客蓋半開矣會次律兄有詩輒次韻

山北山南雪意忙梅花未肯鬪寒芳
懸知小圃爭前發爲折踈枝分外香
故國年華驚晚晚老人心事伴摧藏
更看末上傳春信倚杖空懷遲暮傷

次韻鄭維心探梅未花

木落山空不着行寒梅長是占年芳
未容霜女窺孤豔定恐花神嗇舊香
竹杖穿林聊問訊槿籬縈路巧遮藏
誰能折寄江南恨北客相看摠可傷
聞道年時醉一觴野梅飄几薦餘芳
兵塵不礙含生意花骨猶存底
灰香入夜從教月浮動爭春空被雪埋藏
憑君妙句先摧發調護高枝莫中傷

復次韻呈維心拙澀不工當爲抵掌

岐亭幽夢墮微茫百草先春自不芳
山雨壓低臨澗影天風吹下滿林香
梨花少韻非儔匹竹葉多情故

歛藏長記江橋閑立馬落英誰掃重情傷
粲粲踈梅短短牆騷人長恨失遺芳低徊草棘精神
透彷彿關山魂夢香月淡乍看清影亂春深終恐綠
陰藏歲寒爲爾添愁絕倚樹微吟亦自傷

次韻維心意梅

野花飄盡江梅發爲報先春一信芳近水踈林風格
老故山歸路夢魂香雪霜質質添愁絕蜂蝶紛紛預
屏藏折寄憑君呼健步生枝莫放手痕傷

次韻行簡懷次律兄

門對青山水繚牆隔畦花卉盡流芳澆習快瀉鶩兒
酒襲鼻長聞柏子香夜雨對床成契闊晚雲歸岫識
行藏抽身未試平戎略空爲憂時倍感傷

邵子非謂予有天台之行見貽以詩次其韻

嶢嶢老氣鬱青霞過我依然醉帽斜爲說驚魂招楚
些忍聞悲曲動胡笳扁舟犯雪來何許健筆凌雲語
益嘉莫笑海山風引去要尋源上問桃花

次韻劉希顏蠟梅二絕

仙衣曳紫練裙黃天遣清臞勝國香月上小牕寒影

動不禁風味惱剛腸
翦成香蜜綴踈枝度臘爭春已恨遲清夜無人花睡
去小園風露更相宜

次韻雪

紫簫吹斷玉梅魂夢入江南幾處村半夜落英飛不
定旋添清絕到柴門

月下獨步

娟娟微月小庭西月下幽人影自隨賴有寒梅伴愁
絕一枝清豔耿踈籬

次韻次律兄除夜述懷

此身傳馬與時移過盡三餘又一歸野炬占風迷夜

色

農家除夜以火炬候風色占歲事

村肴宿歲待晨晞鬢華老去能

餘幾心賞春來轉覺非慚愧君恩許閑佚食蔬那比

首陽薇

餞歲鄰翁席屢移拍歌猶聽夜深歸尊浮凍螿霜逾

重林噪寒鴉日未晞剩歎飛騰憐杜老

見守歲詩

過爲孤

憤陋韓非干戈滿眼傷時節遣戍長聞賦采薇

次律兄以蘆菹見餉并有詩次其韻

歲晚嘉蔬已向萎獨餘蘆菘老霜畦收隨芋栗供山
谷贈比蘋蘩擷澗溪菹亂金釵入珍饌羹融玉糝脫
汙泥程春定覺人彊飯功校蹲鴟自不齊

金釵事見荆楚歲時

記

次律兄以鼠盜防風感而作詩命某同賦

嘉蔬靈卉兩紛紛小摘山花自出群芽茁短根紅玉
卷葉敷踈節翠旗分細看藥譜鑄遺錄終擬騷經補
缺文堪笑饑鼯穿敗篋寧知野彘力跑雲

防風苗亦名山花野

彘喜食之

戲酬嘗草茶

慣看留客費瓜茶政羨多藏不示夸要使睡魔能偃
草肯慚懼伯解迷花一旗但覺烹殊品雙鳳何須覓
瑞芽待摘家山供茗飲與君盟約去驕奢

某蒙學士兄相要陪賞芍藥花多白者月色相
射光彩映發殆玉盤盃之苗裔耶維心有詩輒

次其韻

悵望揚州千朶盛數枝聊足慰淹留相逢月下陪真
賞一醉花前得勝遊鑿落細斟金暈側盤盃斜飈玉

光浮春衫金色渾無賴映帶霜毛笑隱侯

溪亭夜坐

波面搖風暑氣微禿巾來坐釣漁磯相看月墮行人
盡只有流螢上下飛

松架

聯絡樛枝架短簷蒼髯綠骨尚依然祛除畏日心三
伏領略清風直四筵好在老龍蟠天矯悞來孤鶴舞
蹁躑那堪側雨敲牕夜貪聽颼颼自不眠

代人作壽詩

老人明處識斜河曾占克間爽氣多蚤以才名凌屈
宋戲將詩律鬪陰何丹臺舊綴神仙籍黃屋仍垂將
相科禮絕座間公未晚且提鴻筆上鑾坡

英氣超超不可親溫然笑語便生春絳帷久屬宗師
任紫橐方叅侍從臣八面文章寧有敵一門忠孝信
無倫山東出相公家事只擬尊前詠大椿

張倅生日以詩爲壽

宿歲雕盤供五辛克間佳氣已生春俊游自合陪金
馬英骨人猶記石麟別乘重分千里政五湖追數十

年身知公隱德宜難老鳩杖看扶法從臣

詩悼鄒仲容教授

骨相自清臞居然澹蒲軀高文凌鮑謝勝略本孫吳
鸞鷲期千仞驂騮殞半途傷心九泉恨那忍奠生芻

徐縣丞挽章

插架遺編滿依然手自臨瓌辭寧世用高調罕知音
白髮浮湘意青衫忌鵬吟些招空往事魂斷舊家林
蔣司成挽詞

法駕天臨五學初曾聞重席絕諸儒雍容久載從臣
橐晚晚猶分刺史符不使高材陪鼎鼐卻收清節傲
江湖賤生無地從巾屨獨對遺篇想步趨

召節西來屬老成乞身終欲返巖扃新書未奏三千
牘舊說曾繙十二經漢室首推施氏易衛人端識孔
悝銘儒宗學府今誰輩空使諸生記典刑

曾逢原挽詞

代劉侍郎

落落江湖一偉人當年玉立映簪紳四朝耆舊推先
達三國英雄出後塵金板祕謀空泐汨土門奇禍足
悲辛懸知精爽猶堪畏嚼齒傳聞不滿齟

驚聞義骨殞狐狸悵失中朝一吏師廣漢威名由擿
伏寬饒直氣不容欺丹心共憤時多難白首相期論
少卑滿眼西風空濺淚何心忍讀蔡邕碑

安次山挽詞

代劉侍郎

都門惜別淚沾巾回首孤城草木春封豕遙聞食上
國疾風懸料識忠臣程嬰已歿終存趙楊子雖生輒
美新青史高名知不朽遺榮猶賁土中身
曉殿傳催玉筍班東風小立照衰顏臨分愧我江湖
上伏節悲君矢石間往事淒涼千古恨舊交零落幾
人還殊方更致生芻奠目斷高丘涕淚潸

劉資政幹挽詞

國耻忍言城下盟忽驚河洛變羶腥心摧寶仗離宸
極血濺轅門落將星請歿自緣鳴越甲乞師誰爲哭
秦庭高名會與丘山重一誦遺箴一涕零

志士長悲處歿難唯公勇決一言間結纓季路空遺
跡投閣揚雄亦厚顏義烈崢嶸照國史忠魂寂寞闕
家山隻鷄已負它年約下客傷心兩鬢班

挽詞二首

職爲蘋蘩謹門推黻冕華笄嫠初鞠幼壽考竟肥家
玉暗傳經簡金餘賜誥花班衣無復戲遺恨徹天涯
耄期何所樂有子使三吳方享千鍾洎俄成五鼎踰
光堯御名堂遺素幔耐域闕黃墟欲拜臨終像它年記結
跌

吳宜人挽詞

壽富居然五福先簪纓况復世蟬聯斷機志節酬平
日舉案風流記昔年上郡方蒙湯沐地諸郎應廢蓼
莪篇送車千乘松門道會有雙飛鶴戾天

長短句

浣溪沙和鄭慶襲雪中作

雲幕垂垂不掩關落鴻孤沒有無間雪花欺鬢一年
殘欲把小梅還鬪雪冷香嫌怕亂沈檀惱人歸夢
繞江干

花信催春入帝關玉霏爭臘去留問不禁風力又吹
殘客舍不眠清夜冷縈愁一縷裏旃檀空庭月落
斗闌干

葛使君示書有元夕寒廳孤坐之歎昨日石林

寄示所和長短句輒亦次韻和呈因以自見窮
寂之態

華燈高宴水精宮浪花中意無窮十載江湖重綰漢
符銅應有青藜存往事人縹緲佩丁東
臥聽蕭寺響疎鍾渡谿風轉空濛月上孤牕鄰唱有
漁翁追念使君清坐久歌一發恨千重

又和葉左丞石林

魚龍戲舞近幽宮亂山中似途窮綠野堂深門敞獸
鋪銅無限青瑤攢峭壁花木老映西東

消磨萬事酒千鍾一襟風鬢霜濛濛憂國平生堪笑已
成翁唯有經綸心事在承密詔看重重

沈忠敏公龜谿集卷第三終

沈忠敏公龜谿集卷第四
沈忠敏公龜谿集卷第四
沈忠敏公龜谿集卷第四

沈忠敏公龜谿集卷第四

內制

麻制批荅詔

除郭仲荀武泰軍節度使依前侍衛親軍步軍
都指揮使權主管殿前司公事制

門下勝負者兵家之常將帥莫先於賈勇予奪者國
柄之大帝王尤厚於植恩眷我閩臣麗于邦典解齋
旄而茲久扈巖陛以彌勤爰因需育式盼渙號具官
郭仲荀資稟沉毅節槩軒昂風流紹於故家氣略聞

於殊域訓齊士卒適程李寬猛之宜保障疆陲合孫
吳擒縱之要戰闕屢上勲盟孔昭自從朕於艱虞更
飭身於忠謹屬虜騎飲江而南下慮敵人金海而東
侵授以偏師扼其要路兵勢弗競避地踰一舍之遙
物論旣騰啓途收六纛之峻頃召還於齊土旋典司
於禁兵謀謨慨然儀觀偉甚念世類之祥未艾知功
名之志不衰將勵山西之勁臣遂付黔南之巨鎮周
廬徼道摠中慰之八屯錫盾彫戈復元戎之十乘茲
爲寵渥庸示眷私於乎伏波遲留克成銅柱之略營
平御名重願上金城之圖儻無愧於古人盍有爲於當
世徃復休命益勵壯猶可

賜朱勝非辭免新除右僕射不允批荅

朕纘奕世之丕基屬四郊之多壘眷求輔佐期共濟
於艱虞涉歷歲時久未聞於績效旣虛厥位益難其
人允惟舊德之良宜膺大政之托授之國柄蔽自予
衷再從廊廟之遊大慰寰區之望而乃露章荐至避
寵牢辭彌徇謙撝殊弗延佇矧卿元功在國隱德及
民雅量足以凝遠圖沈機足以斷大事萬方引領冀

臻休息之期二相同心克副焦勞之志毋留邦渙用
穆師瞻

賜席益辭免侍講不允批荅

朕惟商之高宗師古建事克致中興逮及光武干戈
鞍馬之間亦惟道藝不廢講論復漢中天之統朕心
慕焉肆於萬幾之暇他好弗親惟學是嚮躬御經幄
延訪儒臣庶求多聞宏益治道以卿學問之富師友
淵源擢居勸講之聯俾卒金華之業稽于僉論孰不
謂宜奚事謙撝過形控避往推所學紬繹而茂明之
副朕虛佇卿亦與有榮焉

賜叅知政事孟庾辭免通議大夫恩命不允詔
朕以閩越湖湘之間大憝逋誅根連蔓結脇我赤子
盜弄庫兵宿師連年未克平殄眷然南顧實疚于懷
乃輟帷幄之臣而摠干戈之事卿義形于色慷慨請
行揆策投機指授諸將群兇隨以蕩滅數路爲之肅
清坐使黎元復見休息論功甚茂盼賞猶輕時惟股
肱必識朕意抗章避寵豈所望焉夫謙冲之節雖云
可尚令出而寢卿豈不爲朝廷惜乎

再賜孟庾辭免不允詔

朕比遣師徒往平寇盜想山川之悠遠爰念懷歸憫
臣下之勤勞豈忘勸賞矧我哲輔夙有壯圖入則參
與政機謀謨足以決大議出則摠提師律精神足以
折遐衝蠢茲嘯聚之群詎費坐籌之畫指顧而定逋
逃一空歌杖杜之詩士方休舍變潢池之習民乃奠
居褒律肆行需章薦至載惟謙抑殊弗眷懷夫位高
而志卑固云美矣功多者賞厚猶用歉然徃其欽承
勿復固請

賜新除翰林學士知制誥綦密禮辭免恩命不
允詔

朕纂承丕圖戡定多難將欲德意志慮邕達乎斯民
蓋在號令文章鼓動乎當世翰墨之選茲惟艱哉卿
學窮本原文備體要代予述作亦既有年再隸職於
卿曹復兼官於辭禁演綸滋久摛藻益工報淮南之
書卿其視草而遣矣下山東之詔民將扶杖而聽之
肆加卽拜之恩示予親擢之意奚爲遜避猶狗故常
宜副僉諧之言徃就久虛之次

賜新除禮部尚書洪擬赴闕詔

卿居列英髦望隆耆艾中臺曳履嘗冠從班外屏分符久寬憂顧廼念踐揚之舊豈忘簡記之勤爰錫贊書聿頒召節虛常伯之席式佇遄歸促舍人之裝應宜夙駕

賜新知平江府趙鼎辭免不允詔

朕親撫六師肆覲群后乃眷三吳之都會實爲二浙之喉襟控扼要衝茲號股肱之郡慰存凋瘵宜得腹心之臣卿節槩剛方器量閎達臨事絕回邪之見爲政多豈弟之稱自初進爲皆朕識擢寘之言路論尤切於愛民付以事樞志每先於許國退卽祠宮之逸荐更歲籥之賒執德不回宅心無競是用起從閑適紓朕顧憂念孔戣立朝見謂公卿之皆憚知寬饒治郡必使吏民之不欺奚爲抗章尚稽就道勿循謙撓之節其承屬任之恩

賜尚書左僕射領江淮荆浙都督諸軍呂頤浩

生日詔

風威翔於北陸方迎朔律之嚴台象耀於中階爰啓

高門之慶是生賢佐來相朕躬位崇補袞之華日應
垂弧之吉式盼珍賜往介蕃祺倚毗廊廟之謀孰踰
元老戡定邦家之難必享長年

賜叙復平海軍承宣使蘭整辭免恩命不允詔
朕比以乾象示變震惕于懷乃駿發於需音用導迎
於善氣肆加群辟一洗庶辜卿飭身忠勤致位休顯
頃從羈旅之役還典禁屯之兵宿衛惟恭訓齊甚力
偶挂吏議頗鑄使名屬號令之布新宜班聯之復舊
奚爲謙挹猶事遜辭往膺湔拭之恩勿忘奮勵之勇

賜張深程唐劉子羽獎諭詔

朕治兵南服屬意西陲眷秦雍之疆歲被胡塵之擾
連巴蜀之阻日聞邊遽之驚念此傷夷痛如焚灼倚
注樞臣之重摠提師律之嚴雖云堂上之奇兵自能
制勝允藉幕中之婉畫相與圖全卿起自儒家明於
將略閱閱通於禁筦未減頗牧之賢韜鈴贊於廟謨
必合孫吳之法山川跋涉歲月淹留挫彊敵於方驕
賈餘勇而再振執訊獲醜斬將搴旗成茲克捷之功
緊乃參佐之力美計見效嘉歎不忘然念虎狼哮噬

之無厭豈勝其忿熊羆奮勵而有獲所戒者輕更懷
持重之思助成戡難之烈嗣盼異賞寧限彝章

賜新除慶遠軍節度使克醴泉觀使特封德清
縣開國子食邑五百戶食實封二百戶邢煥辭
免恩命不允詔

朕會朝方岳竣事合宮告宗祀之備成徧敷惠澤念
后家之流落未啓戚藩頗采彝章誠爲闕典自椒塗
正長秋之位屬翟馭從朔方之行感此傷心居馬累
歲推朕懷兩宮之意彼豈忘親廣朕加四海之恩茲
爲篤近爰設將旄之重肆開帥閫之雄匪朕所私繫
國之舊曷形遜牘猶避寵名况卿謙厚律身忠謹事
上萬里歸于逆旅諒險阻之備更五載服于故官亦
靖共之足尚孚號旣發僉言允諧勿復徇於勞謙其
往承於茂渥

再賜邢煥辭免不允斷來章詔

朕追考 祖宗之舊凡建節旄之雄自非勲德之優
用爲報稱必以宗婣之懿昭其寵榮卿世爲德門居
有賢譽以儒臣之英而識通機秘以后父之貴而志

絕豪華熙事備成惠術徧舉聯長安之戚里所存幾
人開慶遠之帥藩姑循彝制其往承於異渥母曲徇
於牢辭

新征詔

朕猥以寡昧屬茲艱虞迫臣民愛戴之誠續正統於
將墜痛父兄播遷之難履尊位以何安夙夜以圖策
慮益用豈不能躬擐甲胄親冒烟塵乘將士欲戰之
心慰黎元厭亂之意然以兩宮萬里一別九年覬迎
鑾輅之還期遂庭闈之奉故暴虎憑河之怒敵雖逞

於兇殘而投鼠忌器之嫌朕寧甘於屈辱是以卑辭
厚幣遣使通和庶殫孝悌之思必徇哀恫之請至于
土地梗絕生齒流離師徒懷暴露之憂閭里起繹騷
之歎繇朕不德嗟彼何辜仰懷故國之廟祧至于霄
涕俯見中原之父老寧不汗顏比得敵疆之情稍有
休兵之議而叛臣劉豫懼禍及身造爲事端間謀和
好信逆雛之狂諄率群偷而陸梁借彼援師倚爲威
勢竄我赤子脇使征行涉地稱兵操戈犯順大逆不
道一至於斯警奏旣聞神人共憤猛士在列怒髮上

衝以謂逆順之理既分勝負之形可見皆願挺身而效死不忍與賊而俱生朕乃下詔摠師十日引道前驅方戒積陰頓開天地鬼神罔不助順將帥輔弼罔不協心今朕此行士氣百倍雖自纂承之後每乖舉措之方尚念祖宗在天之靈共刷國家累歲之耻殪彼逆黨成此雋功載惟風霜跋履之勤仍蹈鋒鏑戰爭之苦興言及此無所措躬然而能建非常之功必有不次之賞初詔具在朕不食言

賜川陝宣撫處置使司詔

朕紹國丕基遭時多難飭戎車于江左爲懷經略之圖列將鉞於關中欲存根本之勢豈虞疆國專逞淫威敵勁弗支兵拏未解嗟蒼天之不弔宜悔禍于我家憫赤子之無辜重流毒于茲土寡德所致悼心何言賴我股肱之臣摠護爪牙之任一戰克捷群醜殲夷王靈由是復加士氣於馬再振然念興師累歲轉鬪一方被夷狄之係纍寧無淪陷之黨思祖宗之涵養豈有背叛之心憑陵使然踳躑至此儻存疑阻殊弗招徠將束身而欲歸或懼刑誅之慘比復業而

與處或憂賦役之煩或立效而褒賞未加或負才而
祿秩未稱疾苦無告愁恨何聊仄席以思當饋而歎
於是下哀痛之詔布至意以宣昭施曠蕩之恩洗庶
辜而拔拭汙邊將士應陷蕃之人非抗王師及侵掠
入寇者並不得誅殺虜騎馮陵之際陷沒州縣官吏
將士軍民皆緣事力不能捍禦致有脇從或遭驅虜
至今困居本土或旅寓遠邊實爲殘破無日背叛陷
蕃之人能立功來歸者仰汙邊帥守保舉申宣撫司
一面旌擢優賞其次雖未能立功而心在本朝有意
懷來者各以元舊官職任使兵級弓箭手依舊職名
收管民兵願歸業者聽其間才力可用特與拔擢或
有以前罪犯懷疑自危一切原貸或先曾立功未曾
推賞卽特與推賞因陷蕃廢業失所者寬其租賦免
其征役昨緣道路不通號令壅隔致遠方之民疾苦
無所赴訴專委宣撫司講究措置並從寬恤遍下諸
處官司施行咨爾有衆咸識朕心各堅奮勵之誠亟
臻休息之效故茲詔示想宜知悉

親征戒諭州縣詔

朕以逆臣劉豫稱兵南向警奏既聞神人共憤朕不
敢復蹈往轍爲退避自安之計而重貽江浙赤子流
離屠戮之禍乃下罪已詔親摠六師臨幸江濱督勵
將士然興師十萬日費千金動衆勞人懼所不免每
一念此惻然疚懷尚覲監司帥守與夫郡邑小大之
臣夙夜究心體朕此意凡借貸催科有須於衆者毋
或縱吏金緣爲姦凡盜賊奸宄輒生窺伺者務絕其
萌毋令竊發其或乘時搶攘恣無名之歛容好玩寇
失幾察之方至使吾民橫罹困苦有一于此必罰無
赦候軍事稍平當遣廷臣循行郡國

招從僞士大夫詔

朕惟靖康兵革之難神器幾墜天命有在屬于耿躬
八夜兢兢罔敢自逸期與爾士大夫共雪大耻還我
兩宮保有黎元永庇中土而疆敵侵軼迫朕一隅叛
臣乘時盜據京邑使我搢紳淪陷塗炭繇朕不德以
至於斯北望傷心收涕無所亦惟爾士大夫蒙祖
宗休澤服在周行其有失身僞廷事非其主顧驅脇
使然有不得已者朕甚痛之故若張孝純李鄴李儔

等內外親族不廢祿仕每飭有司常加存恤朕之於爾厚矣爾尚忍忘之耶其能洗心易慮束身以歸當復其爵秩待遇如初或爲奇謀祕畫立功自效迺旌異賞不限彝章嗚呼逆順之理禍福之機昭然甚明要知所擇朕方布大信以示天下言不爾欺有如皦日咸務自省體朕至懷

賜吳玠詔

覽所奏盧法原以疾不起良用盡然已降旨揮邵溥權管宣撫司常行細務至於軍旅調發之事疆陲控制之方此乃國家大計朕旣委卿獨當一面卿其以身任之惟卿忠存廟社威震羌胡勤勞累年勲伐甚茂使隴蜀之境恃卿以安則朕有長城之託益所倚重卿必深諒此意自信不疑近報遣兵分道四出秦雍一帶次第來歸備見規撫嘉歎不已夫關河天下之根本朕未嘗一日忘也收還故土撫寧遺黎此所望於卿者顧朕亦安能鬱鬱久居此乎相時觀釁卿宜勉旃比已遣張浚措置荆襄恐有事宜就令報應卿可知之

賜韓世忠詔

覽奏欲依舊留屯淮甸誓與敵人決於一戰已悉朕
迫於疆敵越在海隅每慨然有恢復中原之志顧以
頻年事力未振姑鬱鬱於此自去冬敵人深入卿首
挫其鋒鼓我六師人百其勇既至潛師引遁而卿復
率先移屯淮甸進取之計將此爲基朕甚嘉之前日
恐老小或有未便委卿相度今得所奏益見忠誠雖
古名將殆無以過使朕竦然興歎以謂有臣如此禍
難不足平也古人有言闕外之事將軍制之今既營
屯安便控制得宜卿可措置自便勿復拘執至於軍
餉等事已令三省施行方此酷暑將士良勞行飭使
人齎賜夏藥撫問卿金宜知之

賜張浚詔

覽奏爲韓世忠移屯事遽有外祠之請良用憮然卿
謀慮精審宜無遺策而世忠遣濟等來固自有意繼
遣故至陳義激昂其所設施略如初議至其曲折方
適厥中卿復何疑而有斯請比以亢旱鼎等方求罷
政使朕茫然莫知所措已降詔趣卿還朝當體朕懷

卽日引道勿憚徒御之勞也

賜三省銓擇監司郡守詔

朕惟監司外臺耳目之寄郡守承流宣化惠養吾民其委任重矣間者朝廷輒輕以假人將何以使民聳然聽服朕甚愆焉繼自今其御名選擇勿狃于故常苟牽于私意以累國其已除授人亦銓量而去留之或資序已深屢更此選雖無顯過而才非所宜當處之外祠稍優其祿庶幾稱朕求治責成之意而士無失職之歎仰三省常切遵守

賜張浚詔

比得胡世將奏知卿已過長沙觸熱引途其勤至矣雖卿以身任天下之重而自忘其勞然大臣暑行朕心則有愧焉湖湘之寇卿到彼指授諸將必能克日蕩平顧朕所慮者前此王瓌輕入失利賊勢益張今漲潦瀰漫之際彼方阻固恐有狡謀遣發師徒更宜審細且招且捕一舉成功紓此南顧之憂專意北事乃朕指也已今趙鼎論卿卿宜悉之

賜劉光世韓世忠張俊詔

朕自渡江以來志在恢復深惟足食足兵之計夙夜
疚懷凡財賦所入未嘗一毫妄費悉用以養兵而已
故比年訓練士卒精彊而器械亦皆犀利比之曩昔
實不相侔是以去冬敵人之來卒賴卿等極力捍禦
致彼遁歸蓋前此所未有也朕甚嘉之然中原之未
復二聖未還而僭偽之徒方挾疆國之援狡謀日急
顧我所以勝之者惟是上下內外合爲一家如報私
仇乃克有濟儻或各以其職自分彼此日復一日成
功實難卿爲國重臣安危所繫諒必察此不待朕言
今國用空殫民力耗竭雖有司錙銖積累而費出之
數日以寢廣苟無以繼何以聚人每一念之心常怵
惕想卿亦爲朕慮及於此也至於差辟官屬保明功
賞軍須用度之類更在精覈勿至泛濫使賞當而爵
祿不私用足而資給不匱則存養事力漸圖進取朕
與卿等同享無窮之利顧不美哉布朕此意卿宜悉
之

賜李綱詔

朕昨摠戎車前臨敵壘洎潛師之引遁勞戍役以言

還惕若眇躬懼茲多難幸求善後之計敢蹈護前之
非博訪舊臣屢形深詔卿首陳三策適投却敵之機
繼上六條大闡興邦之略意拳拳而曲折言懍懍而
高明有發予衷如對卿語此乃卿精忠許國誠節表
時雖在燕閒之中不忘開濟之事肆披夙蘊因致良
規省閱再三嘉歎不已至若議和避地之失練兵積
粟之方將議改圖其期底績臨朝願治顧策慮之是
資當饋思賢念話言之可想宜從疾置時告嘉猷終
藉經綸之才助成戡定之烈故茲親筆以示至懷

沈忠敏公龜谿集卷第五

內制 表附

詔 勅書 口宣 表 內制 詞文 表

賜岳飛詔

比得張浚奏知湖湘之寇悉已肅清紓朕顧憂良用
欣愜非卿威名冠世忠略濟時先聲所臨人自信服
則何以平積年嘯聚之黨於旬朝指顧之間不煩誅
夷坐獲嘉靖使朕恩威兼暢厥功茂焉腹心之患旣
除進取之圖可議緬思規畫嘉歎不忘然恐招撫之

初人懷反側更宜綏輯以安衆情措置得宜彼自馴
擾必與卿計之熟矣或有陳請可具奏來

車駕進發賜臨安府詔諭

朕以諸將之兵分屯江上捍禦敵人暴露勞苦今將
幸其營壘親撫勞之庶幾戮力一心以安宗社疆事
稍定卽議回鑾咨爾此邦之人當體朕意

賜劉光世張俊詔

得張浚奏比至太平建康閱跡卿所部軍馬武藝精
彊士氣振發他時卻敵決取成功至於紀律嚴明秋
毫無擾民旅和會上下安定繇卿訓督所致良用歎
嘉故茲親筆獎諭想宜知悉

賜李綱詔

朕以大江之西俗輕而悍兵之寇無歲無之師旅荐
興民益凋瘵肆圖舊弼往填臨之卿威名德望聳動
一時風采想聞人自憎服起于閭館作我价藩匪惟
指顧之間一變潢池之習先聲所暨諒折遐衝朕之
用卿審矣卿宜以安社稷爲已任勿間中外勉爲朕
行不必數有請也故茲親筆詔諭卿其悉之

賜呂頤浩詔

朕以湖湘八州之地西通巴蜀爲國上游往連盜區一方騷動比者招輯雖已略平而民俗剽輕或易生變允藉耆德往填撫之乃起卿燕閒之中而屬以方面之事庶期談笑坐以銷萌慰彼黎元增重形勢而抗章固避殊拂于懷惟卿社稷元老身任安危必不以內外爲間諒應聞命慨然引途故茲親筆詔諭卿宜悉之

賜劉光世詔

覽奏欲赴行在奏事必有爲國經理之謀歸以告朕良用歎嘉朕意亦欲卿一來緣遣相臣浚往江上眎師行日甚近又恐緣此滯留俟浚至彼卿可一而商量或更有所見具奏以聞固所望也卿宜悉之

賜交趾郡王李陽煥曆日勅書

朕正位凝命纂聖緒於累朝治曆明時加王正於率土眷爾藩服爲予世臣適臨改歲之端宜膺頒朔之慶占耕期於農扈克謹民功奉貢職於象胥必遵侯度今賜卿紹興三年日曆一卷至可領也故茲示諭

想宜知悉秋冷卿比好否遣書指不多及

賜武泰軍官吏僧道者壽等示諭勅書

朕以郭仲荀將門華胄帥閫勁臣出則摠護於戎行
屢任爪牙之重入則典司於禁衛見謂腹心之良再
扈巖廊之居彌肅綴衣之列嘉乃忠節推其勇功肆
開屏翰之雄盡復節旄之舊逖惟雅俗素服能名及
聞廷號之盼必盡輿情之望今特授郭仲荀武泰軍
節度使依前

二云云

賜吳玠王彥闢師古獎諭勅書

朕乘歷運之中微屬方隅之多故兵塵數起邊候屢
驚永懷秦雍之區久罹夷狄之禍暴骨滿野連城爲
墟興言實心引望流涕式資驍銳之將屏此腥羶庶
使創殘之民脫於塗炭卿世家隴右氣稟山西據忠
憤於胷中輝威稜於塞外運奇合變並施九拒之謀
鼓勇爭先悉用萬全之略潛軍一舉逆騎四馳折虜
勢於方驕激士心而復振茲爲社稷之衛良慰鼓鼙
之思然念歲月倭遲風霜屢薄勤勩雖由於爾力咎
責實歸於朕躬更奮鷹揚之師益殲蟻附之衆剋復

疆土撫定黎甦赤囊之捷系傳功既存於廟祏丹書
之誓永固福自及於子孫各堅乃誠勿忘朕訓

賜朱勝非辭免右僕射恩命不允口宣
卿功存應變德協鎮浮廷號肆盼朝僉允穆宜膺
意往柄宰司

賜郭仲荀辭免特授武泰軍節度使恩命不允

口宣

卿家傳韜略世載勲庸忠謹自將簡注惟舊復盼節
鉞仍侍殿巖往服異恩益圖休烈今賜卿告想宜知

悉

賜孟庾辭免進通議大夫不允口宣

卿摠議戎行掃平寇虐裒功未稱避寵奚爲其服恩
章勿形遜牘

賜邢煥除慶遠軍節度使克醴泉觀使辭免恩
命不允口宣

卿系出儒家恩聯戚里謙恭有守靜御名無譁齋鉞既

盼廷紳允穆往承茂渥勿復牢辭

上言肅太上皇帝表

臣太上御諱言顓天迫切久期變輅之還閱歲推遷猶闕

寢門之問想百靈之犇衛致萬福之來宜中謝恭惟

太上道君皇帝陛下道格神明仁霑動植釋位退託

雖殊南內之居履時艱危未返北征之馭臣尚遲虞

侍每積憂思民心俟於歸君彌極天旋之望帝命從

於與子必諧晨省之祈臣無任

太上皇后表

臣太上御諱言慈闈猶阻屢驚歲月之移壽筭莫陳每積

晨昏之戀陰知天意密護聖躬中謝恭惟

太上皇后殿下德庇六官恩涵萬宇練衣出笥素存

椒掖之規翟馭旋途應罷瑤池之集臣思深語咽望

極涕零富貴不足解憂致孝當嚴於大養疾痛則必

反本祈恩式佇於遄歸臣無任

代高麗國王王楷表二首

臣某言仲秋漸涼恭惟

皇帝陛下聖躬萬福臣某誠瞻誠祝頓首頓首竊念

臣叨司蕃寄襲箕子之餘風瞻望宸居效封人之善

祝臣無任

臣某言今年六月十七日迪功郎吳敦禮至奉詔書
一道者使指遄臻訓詞俯逮豈圖踈逖敢冒寵靈

謝恭惟

皇帝陛下出震以應期乘乾而御變非后何戴民咸
懷于有仁其命維新天亦佑于一德時雖屬于多故
日可期於太平言念下蕃素陶聖化之屏之翰曾莫
效於微勞爲龍爲光乃屢叨於異數頃馳賤介祇述
貢儀可嗟一葦之航未能汜濟致使小邦之信不獲
升聞深自凌兢莫遑啓處適以遭家之多難又稽繼
歲以入朝敢期睿明灼見誠悃特講省存之典俾知
眷遇之豐恩實非常報將安所復禹之績願克紹於
先王曰商是常期不隳於舊職臣無任

內中祈禱感應改謝道場開啓祝文
伏以官古告異乾象示威妖實自於人興孽匪從於
天作惕惟眇德肅事冲科荷眷顧於靈虛匿光芒於
杳靄况撫艱難之運尚懷惴懼之誠庶保祥圖悉回

咎證

內中祈禱感應青詞

伏以菲德賜圖期副天心之眷妖芒動色致干星象
之臨深惟謫見之端聿懷銷復之慮忱誠密扣威命
潛回發精禋於至和還次舍於常度更新貺施益勵
寅恭

冬至御侍已下賀
皇帝詞語
伏以一氣潛萌驗群陰之退聽七日來復推五福之
類升恭惟

皇帝陛下躬履勤勞志存戡定緝熙庶政深得損益
之宜陟降百工大明消長之分茂對舒長之日式膺
蕃衍之祥三靈顧歆萬宇寧謐妾叨塵禁侍獲奉宸
慈測繡縷之初遲騰壽觴而胥抃
表

代賀元會表二首

清臺紀候載臨七始之期路寢頒常丕講三朝之會
惠均黎獻喜浹寰區

中賀

竊以輯五瑞於虞庭止稱

群后辨九儀於周室爰及諸臣蓋將受萬國之朝因
以上四方之計欲稽本始宜在端元恭惟

皇帝陛下凝命紫清匹休黃序愛育萬物則仁行如

春照臨百官則德進乎日故極舟車之所至皆奉琛
賚以攸歸乃究皇儀聿宣帝澤庭實千品肅正守之
臚傳陛戟百重壯周廬之羽衛威容備舉物采彰明
遂修曠古之闕文以續累朝之盛典臣繆當支郡方
遠周行目想雲霄猶記鈞天之九奏身居湖海阻陪
嵩嶽之三呼

法座端臨懋講初元之會禁庭肅設僉造大昕之朝
折俎均慈康衢溢喜

中賀

竊以六年考五服之制度

雖本周官三朝受萬國之貢珍寶存漢法蓋體一元
統始之義以識庶邦享上之誠宜在昌期克修令典
恭惟

皇帝陛下紹休 累聖席慶叢霄道樞得乎環中德
澤施乎方外盛禮興樂與三代以同風執贄奉琛致
九州之共貫因歸事於宰旅途遂辨等於司儀時乘嗣
歲之興詔卽當陽之御陳百寮而贊群后臚句交傳
尊中國而服四夷威容兼備臣濫馳使驛久去帝闈
稱壽觴之九行想聞鼉拊闕庭實之千品阻綴鳧趨

代賀收復杭州表

狂寇逋誅馴致入郛之警偏師薄伐亟還按堵之居
種類既殲流離悉復中賀竊以東南巨屏吳越舊封
在昔割據之初未嘗用武維今休息之久豈復知兵
故輕狡之連謀乘安平之弛備稍稍捕逐寢肆跳梁
負匱擔囊始依憑於山谷揭竿斬木卒驚犯於潢池
比及上聞聿頒中詔憫愚民之昷昧因重使以招徠
猶冀竄藏方圖剪滅蟣蟲之痒脫或俟於爬搔雷霆
之威顧豈勞於摧折縱於九拒舉以萬全適陳將鉞
之嚴已復侯藩之舊恭惟

皇帝陛下弛張文武出入聖神法日月之照臨體春
秋之生殺蠢茲姦宄殘我善良欲空烏合之群肆遣
鷹揚之旅果憑勝筭克濟成功示恩信於一方輝威
靈於四裔臣繆當支郡實控要塗首與備禦之謀嘗
集散亡之旅迨承嚴召猶敢留行簞食壺漿樂致王
師之饋鼎膳俎載願廢皇武之歌雖阻預於稱觴亦
庶同於擊壤

代提舉常平謝到任表
乘使傳之光華曾微報稱奉帝綸之溫厚更辱超踰

寵至若驚感深以涕

中謝

伏念臣受材繇薄植性滯

頑結髮讀書粗知於爲已彈冠從仕常切於慕君乃
忘習俗之是非但守家傳之清白激昂志操黽勉事
爲斷斷它技之倚無終慚意廣錄錄奇節之未有愈
覺心勞頃被誤知驟叨煩使摘山煮海適當寶藏之
興足國裕民已見宿儲之備陶冶悉歸於帝力幹旋
何數於臣功敢謂矜憐曲加獎拔就躡將明之寄俾
專盼歛之權原隰所經弗改馳驅之舊倉箱旣溢第
令取予之均退省何人輒污此選茲蓋伏遇

皇帝陛下堯仁天大周道砥平恤隱逮鰥罔俾一夫
之失所哀多益寡遂令萬物之得宜欲實德之周施
矐微勞而畢錄特捐異寵因勸庶工臣敢不肩此一
心展其四體鑒覆車之前戒廣陰樾之深恩雖曰涓
塵庶可增於高厚譬如草木豈能謝於生成

代謝賜出身表

宋道喜答公黃甲四賦其前

綴甘泉之班已塵法從賜奉常之第更擬賢科捧溫
綽之粲然撫微軀而愧甚

中謝

伏念草茅末族韋布

陳人蚤歷詞場曾無足用之學繼從官牒遽有多取

之名恐泯湮於俗吏之爲故激昂於儒者之事身迷
簿領幾負平生耳熟絃歌猶驚昨夢忽被龍庭之異
睽亟追鴈塔之英游禮異詳延恩踰特起服章雖麗
恍如脫於白丁詔墨未乾喜若登於黃甲何期暮齒
乃遂初心此蓋伏遇

皇帝陛下駕馭英豪撫綏黎庶下訪山林之隱逸旁
咨軒冕之棄遺數路俱收寸長畢錄察臣粗諳事任
故加以次對之名憐臣稍涉藝文故清其出仕之日
臣敢不深體至意益恢遠圖考究古人之書講明當

世之務庶

欽廟諱

臣節以報主知

代謝轉官表一首

轉粟千艘曾微異績就官一列忽玷明綸恭承睠獎
之私采積超踰之愧

中謝

伏念臣受生艱拙奮跡羈

孤讀書徒守於陳言初非利已任職僅逃於常憲何
以瘡人頃蒙推擇之優薦領輸將之重會當師役方
翦寇攘率饋餉以周行越江山之回阻服勤庀事蓋
分守之當爲奏凱第功豈寵光之敢覬例加殊賞誤
及微勞此蓋伏遇

皇帝陛下道妙曲成智深旁燭威稜遐暢旣空蠅蚋
之群褒典嗣頒已徧貔貅之旅乃眷飛芻之力亦疏
增秩之榮臣敢不益侈帝恩具宣使指循名考實雖
未知足國之謀宿道嚮方或庶幾報上之節

代賀南郊禮成表三首

泰疇奉祠昭事上帝端門肆赦敷錫庶民恩浹幽明
驩均溥率中賀竊以天人相與莫尚於郊丘祖宗
以來尤嚴於禮祀導迎至景謁款大神蓋將答四海
之驩心豈特循三歲之故事恭惟

皇帝陛下紹休累聖席慶叢霄盛德升聞已極和
同之妙彌文備舉故忘登降之勞禮旣洽於精純澤
遂疏於優渥臣屢膺煩使阻遠周行盼嚮潛通想已
瞻於鄉坐福釐旁暨愧莫預於駿奔

泰壇峻事修三歲之親祠解澤流恩宥萬方之多罪
凡居覆幬同極驩呼中賀竊以申陟配之嚴雖云舊

典正合祛之失蓋自新儀彌文具而孝隆精意昭而
福備乃施惠術爰及青災伏惟

皇帝陛下德合乾行功循祖武不釐上帝之命志在

寅恭承底蒸民之生務存寬大既定郊丘之卜肆均
海宇之休臣猥以微軀繆當支郡駿奔於列阻依天
日之光誕告所臨俾霑雲雨之潤

緹室飛灰甫定一陽之卜紫壇升燎載嚴三歲之祠

恩浹華夷慶均朝野

中賀

伏以宗祈推本陟配奉先

千品具而禮乃行百神享而福所降歛時貺施茂對
一人之休念此青災誕敷四海之澤豈惟故事實乃
殊休恭惟

皇帝陛下凝命昊天同功

烈祖既保定爾遠追歸

美之言故安樂之克篤守成之志肆及婁豐之候聿
修大報之儀惠術俯加和聲迭應臣濫塵扈從叨領
輸將迹寄江湖結望雲之遐想分隨草木霑蒙露之
餘滋

代賀明堂宗祀禮成表

寶

光堯御名

宏開肇正合官之位齋輿夙駕聿修宗祀之

儀慶浹人神驩均華夏

中賀

竊以頒朝布政於是

王者之堂嚴父配天所以教諸侯之孝初自黃帝逮
及成周監二代而侔圖順四時而作則考冬官之記

炳然制作之工歌我將之詩允矣威容之盛旋起三
雍之議猶存五府之祠於皇 祖宗首啓鴻博參稽
六籍將革權時之宜追考九筵實待重熙之日恭惟
皇帝陛下道隆稽古德懋奉先兼三王損益之文黜
諸儒同異之論全謨駿發鉅典勃興陽曜陰藏拓豐
基於廣內天造地設占王氣於中都茲大饗于先王
薦九州之美味肅雝顯相均釐已徧於臣鄰涓選休
成霈澤遂周於寰宇臣叨從末官逖聽鴻猷指笏垂
紳莫預駿奔之列扣瓴擊缶但賡歸美之音

代賀天寧節表

瑤光呈象錫一人有慶之符火德繼明開萬世無疆
之福驪聲亘地和氣浹天

中賀恭惟

皇帝陛下德契分人道極妙物用端命于上帝能保
惠于庶民雷厲風飛極號令之鼓舞金聲玉振備條
理之始終丕承九廟之休茂對三靈之佑會逢良月
允光堯
嬾名誕辰四海梯航永奉人正之統千官劔佩交

騰天保之歌臣屏跡江湖馳心軒陛望堯雲之紛郁
莫預稱觴祝舜日之舒長唯知擊壤

代謝侍講表

趨詔江湖還寘論思之列執經帷幄進陪勸講之聯
叨恩每念於超踰瀝懇靡容於控避威顏密邇感涕
縱橫中謝臣聞聖主輯稽古之勤實關政理儒臣共
守成之樂專在藝文故立誦說之官時賜清閒之燕
終始典于學庸備多聞之求左右惟其人庶資一德
之協况萬世親逢於大聖而群臣莫望於清光必有
異能庶存故事臣學殖浮淺文思淹遲多病早衰久
矣寢忘於舊業少徒寡耦介然唯恃於孤忠頃扈屬
車之後塵嘗預外廷之末議空糜歲月無補絲毫拜
州雖切於去國蓋深於眷戀遽膺召節重歷禁
扃翱翔玉筍之班紉繹金華之業食殊庭之祠廩併
冒新除對延閣之直廬猶驚昨夢顧寵光之若此嗟
報稱之謂何此蓋伏遇

皇帝陛下躬攬萬幾心游衆妙文謨武烈治登三代
之隆周誥商盤言合六經之懿然猶親御便坐延見
邇臣深研上古之書博詢當世之務軫懷遺履輒命
賜環臣敢不益戒庸行少酬睿睠盡精極慮顧何以

增日月之光摘句分章恐於此窮溝澮之涸

爲吏部魏侍郎謝表

奔命造朝會萬乘親巡之所叨恩拜職就七年舊立之班嘗試可而無功輒辭難而有請俞音終闕感涕

空流

中謝

伏念臣章句之學而昧於適方田野之姿

而拙於任劇昨荷朝廷之過用猥緣場屋之虛名齒髮已凋事功奚取念胡塵之俶擾傷國步之艱難方八駿啓塗旣不獲執干戈而效臣節暨六龍御極又未能扈警蹕而贊帝謨愧耻塗顏憂憤切骨比膺迅

召卽戒疾驅冀殫髦髦之思少效拳拳之義雖枕戈待旦每誦斯言然坐井觀天了知何補敢謂獎憐之渥亟收流落之餘旋拜訓詞再貳銓部屬師旅興行之際正人材淹滯之初名曰故官事非前日矧茲衰病豈克堪任茲蓋伏遇

皇帝陛下神聖先知英武大度負宸而朝萬宇更延奕世之休折筆以答四夷將靖中原之亂疇咨衆俊宏濟多艱凡蒙惟舊之求莫奪已成之命有如臣輩亦玷此恩臣敢不黽勉夙宵依附日月著鞭雖晚尚

有勵職之心借箸可前期盡報君之策

為魏侍郎謝得官觀表

嬰疾告休自驚累月祈哀引退尚憫餘生再仍延閣

之班更食珍祠之廩銜恩僥倖撫事徊得

中謝伏念

臣頃迫衰遲久投閑散辦嚴上道起從一節之趨扶

憊造朝願殫千慮之得而臣孤蹤晚達薄命終窮未

施橫草之勞已抱負薪之歎庶期少間或能夠國而

捐軀况值多虞豈忍臥家而避事悼初心而莫遂荷

成命之已行滿盈招躋鑿之災天其或者冒昧拜支

離之賜臣猶知之此蓋伏遇

皇帝陛下燁揚天威恢廓皇度憂勤政事講明興廢

之端愛惜人材保全進退之節姑從所欲用恤其私

臣敢不休養暮年規圖後日猷畷不忘之意終戀蓋

帷溝壑未填之身尚期鞭策

為顏左丞謝賜生日生餼表

綸言溫厚曲記始生品物便蕃特存故事荷雲天之

施渥知螻蟻之命輕

中謝

伏念臣奮身衰遲遭世艱

棘抵龜而決偶階扳附之榮驟乘而行蔑聞陪輔之

效適屆劬勞之日更叨錫予之私慶溢庭聞驚傳里巷此蓋伏遇

皇帝陛下英威馭世雄武興邦恢張遠圖首啓腹心之密昭示至意獨全體貌之隆故捐此恩以華其老回念終身之慕豈廢糜捐興言末路之艱唯知感勵爲顏左丞謝賜生日生餼笏記

御府分珍加賁劬勞之日親庭拜貺益光衰朽之年此蓋伏遇

皇帝陛下獨智沈幾深仁徧愛特盼寵數以勵臣鄰謹如慈母之教臣當委微軀而報上

沈忠敏公龜谿集卷第五終

許忠海公國樸其於政正務



